

შრომა

სურათებიანი დამატება

დამატების № 20.

სურათები. 15 ივნისი, 1906 წ.

გვერდი № 58

სიმღერა მამარისა

ნაადრევია... ნუ მიგლოვთ,
ჯერ კიდევ მიძგრეს გული მე
და სასიცოცხლოდ მიმიწევს
მრავალ ტანჯული სული მე.

ერთხელმც იქნება აღვდგები,
მოვიკრებ სულის ძალასა
და საბრძოლველად გავიწვევ
დროებას გარდამავალსა.

ცეცხლს მოვუკიდებ, დავანთებ
კვლავ ჩამქრალს ქვეყნის კერასა
და მსხვერპლად შევეწირები
სამშობლოს ბედის წერასა.

ამაჟი ორბის ფრთებს შევისახამ,
მზეს გამოვსტაცებ მზეობას,
და ასევე გავიორკეცებ
სულის ძალსა და მხნეობას.

დაესქვივლებ, მედგრად დავძახებ,
გულს გავუკეთებ გმირებსა,
ისევე ჩავითრევ ბრძოლაში
ლომ-კაცებს, გამოცდილებსა.

ყორნებს დავსტაცებ ამირანს,
აუწყებ რკინის პალოსა,
კვლავ განვუახლებ ბრძოლის ნიჭს,
მტერთათვის სავალალოსა.

მუნ გამოვიხმობ ქვესენელით
დევთა რაზმს, ქაჯთა ძალებსა,
ამირანს მივცემ მათ სარდლად—
მტერს დავუყენებ თვალბეჭსა...

და საბრძოლველად წავასხავ,
ბევრს ავეუტირებ დედასა,
დღეს ქვეყნის ამწიოკებელთ
შევეყრი კირსა და სნეხასა.

კვლავ დავაყენებ ველ-მინდვრად
დაუშრეტს სისხლის ტბორებსა,
ყვავ-ყორანთ მივცემ საწიწკნათ
მათს სამაცხენო მშოვრებსა.

რა გავიმარჯვებ, ვიხარებ,
სიმთ ავეუყენებ, წკრილსა,
მოყვარეს ტკბილად მოვულობენ,
მტერს ლახვარს ვსტყორცნი ტიალსა.

გამარჯვებული მოვმართავ
ჩონგურს, ჩვეულებს რიხითა.

და მონებს თავს დავუშვებ
თავისუფლების ჯილითა...

ნაადრევია... ნუ მიგლოვთ,
ჯერ კიდევ მიძგრეს გული მე
და სასიცოცხლოდ მიმიწევს
მრავალ ტანჯული სული მე.

ერთხელმც იქნება აღვდგები,
მოვიკრებ სულის ძალასა
და საბრძოლველად გავიწვევ
დროებას გარდამავალსა.

ლადო ახოზაძე

* *

ხელს ჩამოვკრავ, სამწუხაროდ
ავაუღერებ ჩანგის სიმებს,
წყვედიად ღამეს თავს-ზარს დავცემ,
ავითრთოლებ მზისა სხივებს!..

ეჰ, თუ კენესი ჩემი ჩანგი
ერთ-ფეროვნად, მგლოვიარედ,
სიტკბოსაც თუ შხამში ღვას
და ყურს ხვდება უფრო მწარედ—

პირს მომდგარი როდი არის,
არც ოცნების ნაშობია:
ეს ცხოვრების მტკიცე კვალი
გულში ამონაწრთობია.

საზოგადო მოძახილი
გრძნობას თავის ელ-ფერს ადებს
და რა ვუყო,—ჩემს კილოში
ზედ-გავლენით ოხვრას ბადებს!..


ტბილ ოცნების ცა-კიდურზედ
შავი ნისლი დანავარდობს;
რალად გიკვირთ: ვარდის ბუჩქიც
დაჩრდილული თუ სტირს, დარდობს!..

მხოლოდ, როცა თვით ცხოვრება
ქარ-ვარდნილი დამშვიდდება,
მაშინ... მაშინ ჩემი ჩანგიც
კილოს იცვლის, გატბილდება.

მოწმენდილ ცას ხელს ჩავკიდებ,
ზედ ავბამ მზისა სხივებს,
თითებს დავკრავ, მხიარულად
ავაუღერებ ღია სივებს!..

სოფ. გ-ძე.





საფრანგეთის რევოლუცია. — ბატილის აღება, 1789 წლის 14 ივლისს.

მარსელი

(საფრანგეთის რევოლუციის დროის მოთხრობა)

ფელიქს გრასი.

(შემდეგი*)

რაც მეტი ხანი გადიოდა, მით უფრო მეტად დიდგულობდნენ არისტოკრატები და ანტიბატრიოტი ვაჭრები, რომელთაც თავიანთ მალაზიებსაკი დააწერეს: „გაუმარჯოს მეფეს! გაუმარჯოს დედოფალს! ძირს ეროვნება!“ ისინი თავისუფლად შედიოდნენ და გამოდიოდნენ სასახლეში, თან შეჭმნდათ თოფები, დაჰბანებინებდნენ წამალი და ტყვას.

ჩვენ კი გულხელდაკარგვილი ველოდით და ველიდით. ბოლოს დიდი აურ-ზაური ავტებეთ და დავეჭკრეთ, რომ უიარღლო შეეცვიდებოდა სასახლეში. ბარბარულ და დანტონმა გადასწყვიტეს და ბრეტის ფედერალისტებთან რევოლუციონერებთან და ეროვნულ გვარდიელებთან გადაგვიყვანეს ყაზარმაში, რომელიც სასახლეს მახლობლად იყო.

ეს გადაწყვეტილება დანტონმა გამოგვიცხადა, დაგვირიგა ათათი სასროლი და წაგვიყვანა ახალ ადგილას, თან ხმა-მალა იძახოდა:

— თავისუფლება, თანასწორობა, ძმობა, ან სიკვდილი!

კარდილიერის ყაზარმაში ბარბარულ დაგვიხვდა.

— ხელო, — გვითხრა ბარბარულმა, — მთელს პარიზის საერო-ნო საკრებულოს წინაღმდეგ და პეტონისა, რომელიც შეჭვირდა თქვენს პარიზიდან განდევნას, თუ შეიძლება ათასი ოქრო მისცეს, წინააღმდეგ ყველას და ყოველისთვისა თვით ეშმაკისაც — და-

ჭკამს ბუკი და ჩვენ წავალთ სასახლეზე, რაც უნდა მოგველოდეს: გამარჯვება ანუ სიკვდილი!

ახლა კი მზადებას შეუდგენენ, ჩვენ აღრე წავედით პლანშოს სახელოსნოდან, თოთხმეტივე გილიოტინა დამზადებული იყო.

ლაზულის და ადელინას ესმოდათ, რომ განკითხვის დღე დადგა. დილიდანვე ბუკის ხმა ისმოდა, კეკეტონი დადიოდა და ჟანდარმები დაქნებდნენ ცხენებს. მეტად შფოდავდნენ, რომ ჩვეულგბრივად, აღრე შევიდოდით და ხმლებსაც ვლესავდით. გამოშვებობებისას ორივემ დაგვკოცნეს და იტირეს.

— გაფრთხილდით, — გვითხრა ლაზულმა, — წინ ნუ გამოიქიბებით და, ოდნავაც რომ გაგვკაწროთ რამე, შინისკენ გამოიქეცით, პა, ერთმანეთს ყური უგდეთ და არ დაშორდეთ.


— თუ ან მამა ჩემი ნახო, ან ჩემი ძმა, ხელი არ ახლო! — მეხვე-

წებოდა ადელინა და მკოცნიდა ორივე ლოყაზედ.

— არა, ხელს არ ვახლებ, — ვუპასუხე მე, გადარეულმა იმის კოცნით

პლანშოც: პატარა ხანს უკან, გვარდიელის მუნდირში გამოწყობილი, გამოვიდა თან, ცოლი მოსდევდა და ტრიალებდა.

— ნუ წახვალ, ნუ, უშვოდაც გაკეთდება საქმე, ცხენებ ქვეშ ჩავარდები, ახალგაზღბს მიანდე საქმე, ერთი უთხარით-მოგვმართა ჩვენ, რომ ამის საქმე არ არის თქვენში გარევა. ხმალი ამაზე გრძელია, ვერც კი მოახერხებს ქარქაშიდან ამოღებას, პლანშო გაუგონე, გაუგონე შენს ცოლს...



საფრანგეთის რევოლუცია. აჯანყებული ხალხი ატუსაღებს ბასტილის უფროს დე-ლინეს.

— რევოლუცია გვიწოდებს და მოვალე ვართ ან გავი-მარჯვოთ, ან დავიხოცოთ, — უთხრა პლანშომ.

*) იხილე ლაშაბეა № 19.



საფრანგეთის რევოლუცია.—თავისუფლების პირველი წუთები. ბასტილიდან
კანთავისუფლებული შვიდი ტუსადი.

— შენ რომ იქ ან ხელი მოგეკრას, ან ფეხი, რაღა გიშველო?! — უთხრა ჟანტ-ნმა მწარედ დაღონებულმა.

— თავისუფლება, ან სიკვდილი! მომეცით ცული, ხმალს ისა სჯობია.

ჟანტონამ რომ ნახა, რომ ვერა გააწყო რა, ახლა სხვა საშუალებას მიმართა: უცბად გადავირდა ბურბუშელაზე გულსაკლავის კენესით.

— ეს რა ამბავია? ჩემ ცოლს გული შეუწყუდა. ჩქარა წამალი.

მანამ ლაზული და ადელინა წამლისთვის ავიდნენ, მე და ვოკლერი ქუჩაში გამოვედით. კედლა იყო — ორ ნაბიჯს რომ წინა ვდგამდით, ერთს ნაბიჯს უკან. ხალხი საშინლად დღლავდა: ხან ჟანდარმს ვაძლევდით გზას, ხან არისტოკრატებს, რომელნიც დადიოდნენ და ღრიალებდნენ: „სიკვდილი ავაზაკებს!“ ხან პატრიოტები არღევდნენ ჰაერს ძახილით: „გაუმარჯოს ეროვნებას“. ზოგს წითელი დროშები მოჰქონდა, ზოგს შავი, ერთს შუბლზე ჩამოეცო ხმოს გული, რომლიდანაც სისხლი სწევდა. ქალები თმა გაშლილები კარმანი-ოლას მღეროდნენ. მეორე მხრიდან არისტოკრატები მობძანდებოდნენ გამაპრეწილები და თავიანთ სიმღერებს მღეროდნენ, სიმღერაში იაკობელებს ემუქროდნენ სახრზბელით, იმათ თეთრ დროშაზე წარწერილი იყო: „გაუმარჯოს ანსტრეილ პრუსიელ ლაშქარს, რომელიც გამარჯვებული შემოვა პარიზში.“

მზე ჩადიდა და მდ. სენა წითლად ლაპლაპებდა.

— ეს სისხლის ღერის ნიშანია, — სთქვა ვოკლერმა და სენაზე მანიშნა.

კორდილიერის ყაზარმასთან რომ მივედით, დაღმდა. ჩვენი ბატალიონი მზად იყო. ბარბარუ, დანტონი და რებეკა ზედიზედ სიტყვას ამბობდნენ.

— გიმეორებთ, — სთქვა ბარბარუმ და მიმართა ფედერალისტების ჯგუფს, რომელიც იქნეულბოდა სანტერის შესახებ: — ის ახლავე მოვა. გახსოვდეთ, რომ ყოველთვის ორი დამაბაჟა მქონდა, ახლა ერთიც არა მაქვს. ორივე საიმილო პატრიოტებს მივეცი. ერთს ვუთხარი: ხომ იცნობ ეროვნულ გვარდიის უფროსს, მანდატს, იმას მიჰყევი დღე და ღამ და თუ შეატყო, რომ თავისი ბატალიონები რევოლუციონერების წინააღმდეგ წაიყვანა, იქვე მოჰკალ, როგორც ძაღლი. ამითი ღიდ სამსახურს გაუწევ სამშობლოს და თავისუფლებას. ამაზედ პატრიოტმა მიპასუხა: „ჩემს თავს ვფიცავ, შევასრულებ თქვენს ნათქვამს.“ მეორე პატრიოტს ვუთხარი: — „იცნობ შენ სანტერს? თვალი ადევნე დღე და ღამდა, თუ

შენიშნო, რომ ბუკის ხმაზე თავისი ბატალიონი დანიშნულ ალავს არ მიჰყავს, მოჰკალ როგორც ძაღლი! ამით ღიდ სამსახურს გაუწევ სამშობლოს და თავისუფლებას“. მეორემავე მითხრა: „ვფიცავ ჩემს თავს, თქვენი ნათქვამი შევასრულო, ამ რიგად, მხოლოდ პეტონს შეუძლიან შეგვიშალოს ხელი მაგრამ ორმოცდაათი რჩეული იაკობელი სასტიკად ადევნებს თვალს, სანამ სასახლეს არ ავიღებთ.“

— რას დავდევ, პარიზელები ჩვენთან იქნებიან თუ არა, — სთქვა მორგანა და შეხტა მაგიდაზედ ბარბარუსთან: — პარიზელებს ჯერ არაფერი არა გაუცთვითათ თავისუფლებისთვის. აი რვა დღეა აქა ვართ და სულ ველით, სანამ გადასწყვეტენ ჩასმე. სულ ნაცარ-ქექილები არიან. მოგეწვიეს საშველად და ახლა კი ეშინიანთ ჩვენის შველისა. მართალიც არიან, რომ ჩვენი ეშინიანთ, ჩვენ სამხრეთიდან მოვედით, რომ სამშობლო და რევოლუცია დავიხსნათ.

ნათ, ვერავინ შეგვაჩერებს, ან გავიმარჯვებთ ან დავიბოცებთ!

— აი, კარგი სიტყვა! — სთქვა სამატმა და ისიც შეხტა მაგიდაზე და გაიქნია თავისი დროშა.

ყველამ ტაში დაუყარით და დავიძახეთ:

„გაუმარჯოს ეროვნებას!“

საეროვნო საკრებულოში სულ უსინიდისოები სხედან, — დაუმბატა ერთმა მარსელელმა: — პეტონი მოლატე! იმას უთქვამს, რომ შვიდი ათას ოქროთ გაგვადგებს მარსელელებს პარიზიდან. აბა, მობრძანდეს თავისი ფულით! ჩვენ იმასთან ერთად ცხვარი არ გვიძოვებია, მაშასადამე, იმან რა იცის, სინიდისის გამყიდველები ვართ თუ არა?! ეს კი ვიცი, რომ, თუ ხვალ მარსელელი ბატალიონი არ წავიდა სასახლის ასაღებად, ტყვიას ვეკრავ შუბლში, ამ სირცხვილს კი არ გადავიტან!..

— მართალია, მართალი! — სთქვა მეორე ფედერალისტმა, ან თავისუფლება ან სიკვდილი. ვერც ერთი ჩვენგანი ვერ გაჰყვადეს სამხრეთისკენ დაბრუნებას იმ დრომდე, სანამ მტარვალებს არ გასწყვეტავთ. სამასხაროდ ხომ არ მოვედით აქ: ყველა შეიტყობს, რა გინდა და ან რა შეგვიძლიან მოვიმოქმედოთ!..

ეს მკაცრი სიტყვები იმან გამოიწვია, რომ საეროვნო საკრებულოს, როგორც სჩანდა, მარსელელ ბატალიონის თავიდან მოშორება უნდოდა, ხმები დადიოდა ეროვნული გვარდია კი არ მოგვეხმარება, პარიკით ჩვენს წინააღმდეგ წავაო. ბოლოს დანტონმავე წარმოსთქვა სიტყვა. ოჰ, მეგობრებო, რა მშვენივრად ლაპარაკობდა! თუმცა ზოგი სიტყვა არც კი გვესმოდა, მაგრამ გულით ვგრძნობდით და ვაყუობდით იმის აზრს. ეგ ტყვილია, ვიოთმ ყველა პარიზული დამნაშავეა და თქვენი წინააღმდეგია; — გვეუბნებოდა დანტონი. მან აგვისხნა, ჯარი რა გზით უნდა წასულიყო. დიდების უბნის ბატალიონები უნდა გამოცხადდნენ კარუსელის მოედანზედ, სენ-მარსის უბნის ბატალიონები ახალ ხიდიდან უნდა მოვიდნენ, ხოლო მარსელელები ბრეტელ ფედერალისტებთან და მოსწავლეებთან ერთად — წმ. მიხეილის ხიდიდან და ლუერის-გოლერეიდან.

— ჩინებული დაწყობილებაა, დაუმბატა დანტონმა, დამიჯერეთ, რომ ყველანი ასრულებენ თავიანთ მოვალეობას. წასვლის ნიშნად ზარბაზანს გაისვრიან ახალ ხიდზე, მერე ზარბს დატყვენ.

— ღმერთმა ჰქმნას თქვენი სიტყვა ასრულდეს! — დავიძახეთ ერთად, მიცვივდით თვალცრემლიანი და მუხლები დაუკრუნეთ.

იმ დროს თოფი გაისროლეს. დაეყარეთ პური და ნიორი ავიღეთ თოფები და გავარდით ქუჩაში თუმცა მუხსონი, ბარბარუ, რებეკა და დანტონი გვარწმუნებდნენ, რომ ეს ნიშანი არ არისო. ერთის წამის შემდეგ მწყობრად დავდექით კაზარმებთან ბუკის ხმაზე და საერთო ძახილით: „გაუმარჯოს ეროვნებას!“.

გული საშინლად მიცემდა, ტანი მითრთოდა, როგორც ციებიანს, ჩვენი ბატალიონი მიდიოდა ბნელ ქუჩებში. შუალაშე იყო, ჰაერი დამწვინებული, ცაზედ ვარსკვლავები კაშკაშობდა. ჩუმად მივდიოდით და ხელით ვისინჯავდით, ტყვია-წამალი თანა გვქონდა თუ არა.

გავედით ვიწრო ქუჩებიდან წყლის ნაპირას. ხიდებზე და წყლის ორსვე ნაპირს გაღმა-გამოღმა სანათები ღნთო. ჩვენს წინ რაღაც არეულობა იყო. ჟანდარმები არავეს უშვებდნენ, ხიდებზე და ჰაერს აპობდნენ ღრიალით: „გაუმარჯოს მეფეს!“ მაგრამ იმათ ხმას ჰფერავდა ხმა-მაღალი ძახილი: „გაუმარჯოს ეროვნებას!“ გაღმა, შორს მოსჩანდა მეფის სასახლე.

ეს რა მოხდა? ჩვენი ბატალიონი წმ. მიხეილის ხიდს მიადგა. ბუკის ხმა შეჩერდა, ჩვენ ერთად შევჯგუფდით. მუხსონი წინ წაიდა და დაუწყაო ლაპარაკი ანტი-პატრიოტების ბატალიონის უფროსს, ესენი ხიდსა სდარაჯობდნენ, რამდენიმე წუთის შემდეგ ჩვენთან მოვიდა და გამოგვიცხადა, რომ საეროვნო გვარდია ბრძანებას მიიღო, არ გაეშვა ჩვენი ბატალიონი ხიდზე. ჩვენ ვუთხარით, რომ თოფის სროლით გავიკაფეთ გზასო.

— სუთ, სუთ! — გვიხარა უფროსმა: — საქმე არ გააფუქთ. შეუძლებელია სროლა, სანამ ზარბაზნს არ გაისვრიან.

— სად არის ზარბაზნი? — ჰკითხა მორგანმა.

— ახალ ხიდზე, ის ხიდი, საუბედუროდ, ანტიპატრიოტების ხელშია.

— თუ აგრე, წინ წავალთ, — სთქვა მორგანმა, — ახალ ხიდს დავიჭერთ და ზარბაზნსაც გავისვრიათ.

— სუ, სუ! — გაიმეორა მუხსონმა: — დამიჯერეთ ხიდსაც გავივლით, როგორც ზარბაზნს გაისვრიან, და დანიშნულ ალანსაც ყველაზე ადრე მივაღწევთ.

მაინც მორგანი, პელუ და მე წინ წავედით და პირის პირ ვიდექით გვარდიელებთან.

აქ მოხუცი პასკალი შედგა, ხელი დაჰრა მატრონს და გვითხრა:

— ახლა დროა წასვლისა, თორემ ჩემმა ძმამ ლანქემ მითხრა, ამაღამ ვერ მოვალ შენ წამოსაყვავად, ადრე დავკეტამ კარებს და შინ აღარ შეგიშვებო.

მეც მძინარე კატა სკამზე დავაწვინე და პაპაჩემთან ერთად გამოვედი სახელოსნოდან.

ქალქე ინტანოვსკისა.

(შემდეგი იქნება.)

ს ი ნ ა თ ლ ი

(არაბული ზღაპარი)

ერთ ხანათ ქვეყანა სიბნელით იყო მოცული. ბნელის მოყვარულნი დათარეშობდნენ და სულ ტყავს აძრებდნენ სინათლის მონატრულთ. სინათლელებმა არ იცოდნენ, რა ექმნათ; სულ ლოცულობდნენ და ღმერთსა სთხოვდნენ, რომ ეშველნა მათთვის და ამ ტანჯვა ვაებისაგან დაეხსნა, მაგრამ ღმერთი მათ არა შეველოდათ სინათლეებს კიდევ მათივე თანამომენი ღალატობდნენ, რომელთაც ბნელეთლები დაიჭირებდნენ ხოლმე თავიანთ ბატონობის გასაძლიერებლად, თანაც გულის მოსაგებად წართმეულ სიმდიდრიდან ჯამაგირს უნიწნავდნენ.

ერთხელ, ბნელეთლების სამწყხაროდ, ცაზედ სინათლის ზოლი გამოჩნდა. ისინი სულ დაიბნენ. იცოდნენ, რომ ეს სინათლე მზის წინაშეობელი იყო. დაიწყეს მზადება მზესთან საბრძოლველად. მოუმატეს სინათლელების ყველგან, რომ უფრო დაესუსტებინათ ისინი და მზესთან ბრძოლის დროს წინააღმდეგობა არ გაეწიათ. მათდასაუბედუროდ, სინათლე თან და თან ძლიერდებოდა. გამოიტანეს გარედ თოფ ზარბაზნები და ტუჩები იქით მიუშვირეს, საიდანაც სინათლე მოდიოდა. დაიჭირავეს ჩუმად სინათლელებისაგან რამდენიმე კაცი, რომლებიც დადიოდნენ ხალხში და, თუ გაიგონებდნენ, რომ ამა და ამ კაცს სინათლის მოსვლა უხარიაო, სტაცებდნენ ხელს, წაიყვანდნენ ბნელეთლებთან და ან სიკვდილით დასჯიდნენ, ან უფრო ბნელ ქვეყნებში გაგზავნიდნენ. მაგრამ ამითაც არა ჰქრებოდა სინათლე, იგი უფრო და უფრო ძლიერდებოდა.

გავიდა კარგა ხანი და მზეც ამოვიდა. როდესაც ბნელეთლებმა ეს დაინახეს, დატენეს თოფ-ზარბაზნები, დაუძახეს დაჭირებულ ჯარს და უბრძანეს:

— ხალხო, იცოდეთ, მზესთან უნდა გაბრძოლოთ და ყოჩაღად იყავით. ტყვია-წამლის ნუ დაიშურებთ. ვინც ხელი შეგიშალოთ, ესროლეთ, ნუ დაინდობთ. გესმით?

— გვესმის, თქვენო აღმატებულებავ! — მიუგეს მათ.

— ისიც იცოდეთ, თუ ყოჩაღად მოიქცევით, სულ მენდლებითა და ორდენებით ავიცებთ მკერდს, მაგრამ, თუ გულში გაიფიტრეთ ამ წმიდა საქმის ღალატი, მაშინ იცოდეთ, სიკვდილი არ აგცდებათ. არ დაიფიწყოთ, რომ ვისაც მზე და სინათლე უყვარს, ის მოღალატეა ღვთისა და ღვთისაგან დაწესებულ ბატონისა. აბა დაიწყეთ!..

— კარგი თქვენო აღმატებულებავ!

— აბა, დაუმიზნეთ თოფ-ზარბაზნი მზეს! — დაიძახა დაჭირებულ ჯარის უფროსმა.

დაუმიზნეს.

— ერთი, ორი, სამი, ესროლეთ!

„ბუჭ! ტრრრრააა!“ — დაიგრილა თოფ-ზარბაზნმა.

— ნუ შესდგებით, ესროლეთ! ჩქარა, საუკუნოდ ბოლო მოეღება მზეს და სინათლეს დაიკარგება!..

„ტრრრრააა! ბუჭ, ბუჭ!“

მზე კი ისევ მდიდურად მისცურავდა ცაზედ.

კარგა ხანი ეომებოდნენ მზეს, მაგრამ იგი უფრო და უფრო მდიდურად მიდიოდა. გაცხარებულ ბრძოლის დროს შორს ცაზედ ღრუბელი გამოჩნდა, თანდათან მოახლოვდა და მზე რამდენისამე წუთით დაჰვარა. ბნელეთის ხალხის სიხარულის ყიფინამ მოიცვა მთლად არე-მარე. იმათ ეგონათ, ეს არის ჩვენის თოფ-ზარბაზნი მზე ჩაეჭრეთო.

— ესროლეთ, ესროლეთ! — ყვიროდნენ ისინი. აგერა, ჰქრება კიდევაც!

ჯარიც განუწყვეტლივ ესროდა.

მაგრამ ამაოა მათი იმედები. ჩქარა ნიავე დაუბერავს, ღრუბელი გაიფანტება, მზე უფრო ძლიერ გამოჩნდება და ბნელეთის მოტრფილეთა ბატონობასაც ბოლო მოეღება...

წ. ეანჭელი.

რედაქტორ-გამომცემელი გრ. ხ. რეხილაძე.